



РОЖДЕСТВО МЕРЕКЕСІМЕН ҚҰТТЫҚТАДЫ

Облыс әкімі Қырымбек Көшербаев православие мерекесіне орай құттықтау жолдады. «Құрметті отандастар! Сіздерді ұлы православие мерекесі — Рождество күнімен шын жүректен құттықтаймын», — делінген құттықтауда. — Біздің көпұлтты мемлекетімізде мұсылман мерекесі — Құрбан айт, Христиандық рождество, шығыстың Жана жылы және басқа да ұлттық діни мерекелер салтанатты түрде аталып өтеді. Бұл біздің тәуелсіз елімізді мекендеген көптеген этностардың арасындағы берік достықтың, толеранттықтың айқын дәлелі болып табылады.

Православиелік христиандық және ислам біздің мемлекетіміздегі негізгі діндердің бірі. Екі дін де адамгершілікке, еңбексүйгіштікке және төзімділікке шақырады. Рождество мерекесі күні бір-біріне сыйлық жасап, ізгілік, қайырымдылық үлгі-өнегесін тарату дәстүрдің біріне айналған. Осынау кастерлі мереке күні Сіздерге ізгілік, мықты денсаулық пен бақыт тілеймін. Біздің елімізде әрдайым өзара түсіністік пен халықтар достығының рухы өшпесін!

ӘКІМДЕРДІҢ ЕСЕБІ – ХАЛЫҚ ПІКІРІМЕН ҚҰНДЫ

Жексенбі күні облыс әкімдігінің мәжіліс залында аймақ басшысы Қырымбек Көшербаевтың төрағалығымен селекторлық мәжіліс өтті.

Облыс әкімі Қ.Көшербаев селекторлық жиынды жана жыл жетістіктерге толы болсын деген игі тілегімен ашып, ол үшін біз аянбай еңбек етуге тиіс екендігімізді еске салды. Жиында екі мәселе қаралатынын атап өткен аймақ басшысы сөз кезегін хабарламашыларға берді.

Алдымен барлық аудан әкімдері мен қала басшысы өңір жетекшісіне Жана жыл мерекесі күндерінде аймағымызда ешқандай төтенше жағдай орын алмағанын жеткізді. Жалпы, облысымыздағы қоғамдық-саяси ахуал тұрақты.

Сонымен қатар, Жана жыл мерекесі қарсаңында кейбір азық-түліктің бағасы сәл өскенімен, мейрам өтісімен оның бұрынғы қалпына келгенін, Сырдария өзені бойындағы қауіпті деп саналған барлық учаскелер бақылауда тұрғанын, 30-ға жуық қауіпті жерде кезекшілік қойылғанын баяндады. Өзеннің Шилелі ауданындағы бөлігінде сен жүріп жатса, Арал және Қазалы аудандарында қатқан мұздың қалыңдығы 15 сантиметрге жеткен.

Ал, 31 желтоқсан мен 3 қаңтар аралығында облыстық медицина орталығы мен қалалық емхананың травматология бөліміне барлығы 235 адам медициналық көмекке жүгініпті. Оның 100-ден астамы тұрмыстық жаракат алса, 8-і жол-көлік оқиғасының кесірінен денсаулығына нұқсан келтірген. Ал, көшедегі көктайтақтан зардап шеккендер саны - 125. Аймақ басшысы қала әкіміне кісі көп жүретін

сауда орталықтары алдын қар мен мұздан тазалау ісіне ерекше көңіл бөледі жүктелді.

Өз кезегінде облыстық ішкі істер департаментінің басшысы Жанарбек Бақтыбаев мереке күндері тұрғындар тарапынан ешқандай теріс әрекетке бару фактісі тіркелмегенін жеткізді.

Келесі мәселе бойынша хабарлама жасаған облыс әкімі аппаратының жетекшісі Қанатбек Жайсаңбаев ақпан айында өтетін есеп беру жиыны, оған барлық аудан және қала әкімдерінің дайындығы туралы тарқатып айтты. Селекторлық жиынды қорытқан облыс әкімі Қ.Көшербаев аппарат басшысына әкімдердің халыққа есеп беру жиындарын жоғары деңгейде өткізуді тапсырды.

Дәуіржан ЕЛУБАЕВ.

«ЖЕДЕЛ ЖӘРДЕМГЕ» – ЖАҢА КӨЛІКТЕР



Жылқы жылы жедел жәрдем қызметкерлері үшін жағымды жаңалығымен келді. Жаңа жылдың алғашқы жексенбісінде облыс әкімі Қырымбек Көшербаев аудандық, қалалық «Жедел жәрдем» станция өкілдеріне 26 реанимобильдің кілтін тапсырды.

Орталық алаңда өткен шарала аймақ басшысы жиналғандарды жана жылмен құттықтай келе, денсаулық сақтау саласында автоматтандырылған диспетчерлік-ақпарат қызметін енгізу, дәрі-дәрмектермен қамтамасыз ету сияқты бірқатар жетістіктермен қатар биыл ашылатын жана меди-

циналық нысандарды да атап өтті.

Салтанатта «Қызылорда облысының құрметті азаматы», сала ардагері Ернияз Омарұлы дәрігерлер атынан алғысын білдіріп, Жылан жылында аймақ басшысының қолдауы арқасында медицина саласында игілікті шаралардың мол болғанын тілге тиек етті.

«Саламатты Қазақстан» бағдарламасы аясында арнайы мамандандырылған 14 санитарлық көлік аудандарға жол тартса, қалғаны облыс орталығында жедел қызмет ету үшін беріліп отыр. Реанимобильдер қажетті медициналық құрылғылармен жабдықталған.

Нұрбек САҒАТУЛЫ.

● ӨҢІР ӨНДІРІСІ

АЛЫП ЗАУЫТТЫҢ АДЫМЫ

Жанакорған ауданы Кейден ауылының іргесінен бой көтерген күкірт қышқылы зауыты Сыр өңіріндегі аса ірі индустриялық-инновациялық жобаның бірінен саналады. 2006 жылы қазығы қағылып, құрылысы басталған аталмыш алып өндіріс орнының қаржылай қолдауын бірнеше шетелдік инвесторлар қолға алғандығы да оның халықаралық маңызының зор екендігін білдірсе керек. Аталмыш ауқымды жобаға жапон елінің «Марубени», «Тепко» және Канаданың «Uranium One» корпорациялары қатысты.

Зауыттың құрылысы құрамында Францияның

былтырғы жылдың желтоқсан айынан бастап, өндіріс орны өз енімін бере бастады. Бұл жобаның алдын ала жоспарланғанындай болғандығын көрсетеді.

Аталуынан белгілі болып отырғандай зауыт негізінен жерасты байлығын өзге қоспалардан сілті қышқылы арқылы айырып алатын өнеркәсіп орындарының сұранысын қамтамасыз етуге тиіс. Ол үшін басты шикізат болып табылатын күкірт химиялық затты Атыраудан алдырылады. Шикізатты алдыру үшін алдын ала ол жақпен келісімшарт жасалынып, барлық дайындық жұмыстары қатар өрбітіліп келеді. «СКЗ – U» өз жоспарына сай алдырылған шикізатты пайдалана отырып, тәулігіне 1500 тонна күкірт қышқылын өндіруге тиіс. Шығарылған өндірістік өнім Жанакорған ауданындағы негізінен уран өндіретін «Байкен - U», «Қызылқұм» ЖШС-ларында және Шилелі ауданындағы №6 кен басқармасында қолданылады.

Нақты кезеңде зауытта білікті мамандармен қатар, көптеген жергілікті тұрғындар еңбек етіп келеді. Осы шаруаның игілігі үшін зауыттың бас директоры Мәдіхан Бекжанов бас болып, жергілікті жастардан өндіріске аса қажет мамандарды өз қаржысы есебінен оқытып, маман кадр дайындауға күш салып отыр. Зауыт жанынан тұрғын үй қалашығының және күн көзінен қуат алатын қондырғының салынуы ондағы қамқорлық аясының кеңі түскендігін білдіреді. Сонымен қатар, жергілікті тұрғындардың әлеуметтік қажеттілігіне де өз үлесін қосып отыратындығын атап айтқан жөн болар. Бұл секілді жұмыстардың жалғаса түсетіндігіне және де өндіріс орнының экологиялық залалсыз жұмыс жүргізіп, қажетті өнім өндіре беретіндігіне сенім мол.

Ғани ЕСІМОВ,
«СКЗ – U» зауыты күрделі құрылыс бөлімінің бас маманы.

Қазалы қазір адам танымастай өзгерді. Көлемі де өртегі кейіпкеріндей сағат сайын өспегенмен, жылдан жылға ұлғая түсуде. Бұрын шет аймақ аталатын бөліктерінен енді күрке соғар бос жер таппайсыз. Қайда қарасаңыз да, жанарыңызға зәулім үйлер, еңселі нысандар шалынады. Шатыры күнмен шағылысқан коттедждерге жұртшылықтың әбден еті үйренген. Қысқасы, Қазалыда құрылыс салу ғарыштық жылдамдықпен жүргізілуде десек, әсірелеу емес.

ҚАЗАЛЫДА ҚҰРЫЛЫС ҚАНАТ ЖАЙДЫ

Жуырда кент тұрғындары зор қуанышқа бөленді. Аудан орталығындағы байырғы №170 мектептің ашылу рәсімі өткізілді. Бұған дейін ескі нысанда амалсыздың күйін кешкен мұғалімдер қауымының шаттығында шек жоқ. Жарық та өсем білім ордасында дәрiс алатындарына шәкiрттер де дән риза. Әсiресе, салауаттылық салтын серiк қылған қауымның толғанысы тiптi ерекше. Жоктан бар жасап келген ұстаздар заманауи спорт залды иеленгендерiне мәз-майрам.

Мұның мәнісі де бар. Бокстан қос бірдей Азия чемпионын, Олимпиаданың қола жүлдегерін ұшырған қазалылық бапкерлердің бабы келіссе бағы жанатынына ешқандай күмән болмасын анық. Іле-шала шалғайдағы бірнеше ауылда дәрігерлік амбулаториялар ашылды. Үлкен жетістік. Елді мекендердегі ауруханалар жабылып, сарсаңға түскен дала перзенттері өшкендері жанып, өлгендері тірілгендей күйге түсті. Қашанда ақпейіл дағдысынан жанылмайтын, кімге де тура сөйлеуден тайынбайтын ауылдағы ағайынның сөбіше қуанғандарына біздің де көңіліміз бұзылды. Аршаған жұмыртқадай мінсіз емханалардың шынайы қожайындары табыларына имандай сендік.

Ұлы ойшыл Аристотельдің «Мемлекет өмір сүруге мүмкіндікті

қамтамасыз ету үшін емес, бақытты өмір сүруге мүмкіндікті қамтамасыз ету үшін құрылады» деген даналығын естуіңіз бар шығар. Бұл қағида қазалылықтарға да тонның ішкі бауындай жақын. Кент орталығындағы толымды тірліктер соны мензейді. Мәселен, биылдың өзінде 14 көшеге асфальт, 4 көшеге кирышқы тас төселді. Оған қоса, 9 елді мекеннің көше жолдарына орташа жөндеу жүргізілді. Ал келесі жылы кенттің 36 көшесін орташа жөндеуден өткізу межеленуде.

Аудан орталығында көңілді елен еткізер нұмараттар баршылық. Жанқожа батыр көшесімен жүрсеңіз, биік күмбезді, алтын айшықты, сән-салтанаты келіскен мешіт құрылысын жолықтарысыз. Манайға имандылық нұрын себуге арналған нысан халқымыздың дарабоз ұлы, көзінің тірісінде ерлігі айнаға айналған Жанқожа Нұрымбетұлының есімін иеленбекші. Санаулы күндерден соң мешіт ел игілігіне беріледі деп күтілуде. 2005 жылы іргетасы қаланған ғимараттың белгілі себептермен құрылысы уақытша тоқтап қалған еді. Бұл батыр бабасын ерекше қастерлейтін қабырғалы қауымның шым-байына аяздай батқан болатын. Алайда, жокқа жүйрік жете ме? Арада сынапша сырғып айлар,



жұмысы қайта жанданды. Қазіргі таңда Аллаһ үйінің құрылысын Жанқожа бабамыздың ұрпағы Сәбит Аралбаев басқаратын «Досбол Құрылыс» компаниясы жүргізуде. Орайы түскенде мешіттің негізгі демеушісі, бастамашысы ретінде жерлесіміз Дархан Бердалиевтің өлшеусіз үлес қосқанын атап кетпеу әділетсіздік болар еді. Құрамында намазхана, асхана, оқу, неке кино залы, Құран оқу бөлмесі бар аумақты нысан көпшілік көкейінен табылатыны хақ.

Жуырда өткен алқа мәжілісінде Қазалы ауданының әкімі Бақыт Жаханов құрылыс сапасына баса назар аудару керектігін сала басшыларына қадап тапсырды.

тенгерімге алу жөнінде тиісті бөлімге ұсыныс беріліпті. Бірақ алыс-беріс актісіне қол қойылмаған. Көңілге қарамайтын, салғартты аямайтын қақаған қыста адам қоныстанбаған үйдің азып кетері жөне анық. Ендеше Жалғастың жанайкайы өте орынды.

Сондай-ақ, кентте бой көтерген өзге арендалық тұрғын үйлердің салыну пәрмені бөтен емес. Төбесі жабылып, едені, есік-терезесі орнатылуда. Елді мекендердегі қажеттілерге да аяқталуға жақын тұр. Жалпы, Қазалыда құрылыс қарқын алып келеді.

Жұмабек ТАБЫНБАЕВ.
Қазалы ауданы.

● САУАЛНАМА

ӨТКЕН ЖЫЛҒА ӨКПЕ ЖОҚ, ЖАҢА ЖЫЛДАН ҮМІТ КӨП

ордалықтар куә болатын жақсылықтардың басы ғана деп білеміз.

Тұлмира Сұлейменова, №171 Ғ.Мұратбаев атындағы орта мектептің директоры.

— Өткен жыл өңіріміздің әр саласы үшін табысты жыл болды десем, артық айтқаным емес. Әсіресе, өзін еңбек ететін білім саласы ауыз толтырып айтатын жағымды жаңалықтарға толы болды. Бірқатар оң өзгерістер орын алды. Мәселен, облыс орталығынан Назарбаев зияткерлік мектебінің ашылғанын мақтанышпен айта аламыз. Бұл білім ордасы заман талабына сай парасатты да білімді ұрпақ тәрбиелеуде орасан зор үлес қосады деп сенеміз. Сонымен қатар, былтыр аймақтағы ұстаздар қауымының мәртебесі асқақтаған жыл болды. Яғни, Жылан жылы облыс әкімінің бастамасымен, ол кісінің тікелей қолдауымен Сыр өңірінің бір топ білікті де білімді әрі тәжірибелі ұстаздары миллионер атанды. Мұны күндіз-түні көз майын тауысып, тынбай ізденіс үстінде жүретін, шөкірттерінің заманауи білім алуы жолында аянбайтын ұстаздар қауымы еңбегінің бағаланғаны, мұғалімдер мәртебесінің айшықталғаны деп білеміз.

Ал, өзін еңбек етіп, басшылық жасап отырған білім ошағының жетістігіне тоқталар болсам, біздің мектептің негізі сонау 1958 жылы қаланған. Сонан бері күрделі жөндеу көрмеген білім ошағы ғимаратына былтыр, яғни, Жылан жылында күрделі жөндеу жұмыстары жүргізілді. Бұл біз үшін үлкен қуаныш болды. Шөкірттеріміздің білім көрсеткіші де жаман емес. Жалпы, өткен жылға өкпем жоқ. Жаңа

жылдан да күтер жақсылығымыз көп. Білім бөйгесіне қосар сөйгілдітеріміз оза шауып, бөйге алып, ұжым абыройын асқақтатса екен деймін. Сыр елінде миллионер мұғалімдер қатары молая берсе екен деп тілеймін. Жалпы, Жылқы жылында аймағымыздың барлық саласы арғымақтай оза шауып өсіп-өркендей берсе деген тілек бар!

Дастанбек Садық, «Ақмешіт жастары» газетінің жауапты хатшысы:

— Мінезіміз бен өз кеністігімізге салып, бажайлай қарасақ, өткен жылы біршама шаруаны игеріппіз. Жылан жылы жылыстап енгеннен жаңалығы мол болды. Әсіресе, жастарға қатысты жағымды жаңалықтар көп. «Кой асығы демейіз, қолға жасқа сақа ғой, жасы кішісі демейіз, ақылы асса аға ғой» демекші, Сыр жастарының басын біріктіріп, олардың жоғын жоқтап, мұның мұндайтын жастар саясаты басқармасы құрылды. Онан бөлек, облыс әкімінің қолдауымен «Ақмешіт жастары» жастар газеті жарыққа шықты. Бұл басылым аймақ жастарының таным көкжиегін кеңейтіп, жастарға қатысты жаңалықтардың жаршысы, Ахмет Байтұрсыновша айтсақ, олардың «көзі, құлағы һәм тілі» болады деп үміттенемін. Ал, жана Жылқы жылынан күтер жақсылығымыз мұнан да көп. Жалпы, Жылқы табиғатында жайлы, шаруаға онтайлы жауған ғой, сондықтан бұл жыл иесі секілді тұрғындар үшін қолайлы, табысты болады деп сенемін.

Сауалнаманы жүргізген:
Айнұр БАТТАЛОВА.

Жедел қызмет пен қауырт еңбек төтенше оқиғалар туындаған кезде қауіптің алдын алатыны, тосқауыл болатыны белгілі. Бұқара халық та осындай жағдайда төтеншеліктерден көмек күтеді. Ол үшін жедел қызметтің дер кезінде ұйымдастырылуы, азаматтардың біліктілігі, іскерлігі мен қызметтердің материалдық-техникалық жағдайының жарақталуы маңызды. Мемлекет басшысы ел азаматтарының қауіпсіздігі үшін қызмет ететін Төтенше жағдайлар министрлігінің жарақталуына ерекше көңіл бөліп отыр. Техникалық жабдықталу деңгейі мен қызметкерлердің кәсібилігі өсіп, іс-әрекеттердің жеделдігі мен үйлесімділігі артуда. Азаматтық қорғаныс және төтенше жағдайлардан қорғау саласында оқыту үшін қазіргі заманғы технология қолданылады. Халықты ақпараттандыру және хабардар ету әдістері жетілдірілген.

ЖЕДЕЛ ҚЫЗМЕТТІҢ ЖҮГІ ЖЕҢІЛ ЕМЕС

Өткен жылғы 11 айдың қорытындысы бойынша, алдыңғы жылмен салыстырғанда, төтенше жағдайлардың санын /89/ 10,9 пайызға, адамдардың қаза болуын /58/ 13,2 пайызға, зардап шегуін /91/ 25,9 пайызға азайтуға қол жеткізілді.

Шұғыл ден қою қызметтерінің үйлесімді және жедел іс-әрекеттері оқу-жаттығулар барысында тұрақты түрде пысықталады. Төтенше жағдайлар жөніндегі ведомстваралық мемлекеттік комиссия отырыстары, Қызылорда облысы әкімдігі және оған қарасты қала, аудан әкімдігі басшылықтарымен төтенше жағдайлар жөніндегі комиссиялар жұмыс істейді.

Төтенше жағдайдың барлық жүйесі үшін аса маңызды оқиғалардың бірі, «Азаматтық қорғау туралы» Заң жобасының бірінші оқылымыда мақұдануы болды. Аталмыш жобадан төтенше жағдайлардың алдын алу мәселесі бірінші орында тұр. Онда үлкен экономикалық шығыны бар құтпеген табиғи құбылыстардың өсуі, елдің айтарлықтай аумағының сейсмикалық қауіпті аймақта орналасуы, Қазақстанның өнеркәсіптік әлеуетінің, оның ішінде қауіпті технологиялары бар өндірістер есебінен өсуі қамтылды. Сондай-ақ, заң жобасы төтенше жағдайлардың алдын алу және олардың жою, азаматтық қорғаныс, өнеркәсіптік және өрт қауіпсіздігі, мемлекеттік материалдық резервтер, апаттар медицинасы саласында мемлекеттік саясатты іске асырудың құқықтық тетіктерін ретке келтіреді. Заң жобасының негізгі мақсаты Қазақстанда азаматтық қорғауды басқарудың бірінші жүйесін құру болып табылады.

Сондай-ақ, бизнеске әкім-

шілік қысым көрсетушілікті айтарлықтай азайту, рұқсат беру құжаттар санын, жоспарлы және жоспардан тыс тексерулерді азайту бойынша жұмыс жалғасуда. Қазіргі уақытта ТЖМ-ның өртке байланысты рұқсат беру құжаттары 4 есеге дейін азайды. Үкіметтің тапсырмасына сәйкес ТЖМ-ның 7 мемлекеттік қызметі, өрт және өнеркәсіптік қауіпсіздік саласында, халыққа қызмет көрсету орталығы арқылы көрсетіледі. Сонымен қатар, өрт қауіпсіздігі бойынша тексеріс санын азайтуға мүмкіндік беретін қауіп-қатерлерді басқару жүйесі енгізілуде. Нәтижесінде, жүргізілген тексерулердің саны өткен жылдың ұқсас кезеңімен салыстырғанда 46 пайызға, өнеркәсіптік қауіпсіздік саласында 2 есеге азайды.

Мемлекет басшысы мен Үкіметінің халық қоныстанған аумақтардағы өрт қауіпсіздігін қамтамасыз ету мәселелерін тұрақты назарға ұстап, олардың кешенді шешіміне көрсеткен қолдаулары арқасында өрт сөндіру деполары салынууда. Қазіргі кезде, облыс бойынша 13 өрт сөндіру депосы, 2 жеке бекет бар. Биылғы жылға Арал ауданы мен Байқоңыр қаласынан өрт сөндіру деполарын салу, оған қоса Жанақорған және Сырдария ауданындағы өрт сөндіру бөлімдерін күрделі жөндеуден өткізу жоспарлануда. Қазіргі күні өрт сөндірушілер түгелімен 100 пайыз жауынгерлік киімдермен қамтамасыз етілген. Бұл ретте облыстағы өрт сөндіру бөлімдері ҚР ТЖМ тарапынан материалдық-техникалық құрал-жабдықтармен жабдықталған.

Мұндай мемлекеттік органдармен және ТЖМ тарапынан «Қазақстан Республикасының халқы мен мемлекеттік органдарын хабардар ету жүйесін

жаңарту» жобасы әзірленді. Елдің барлық аумағында «112» бірінғай құтқару телефон нөмірі енгізілді. Облыс бойынша «Тыңданыңдар, бәріне!» дабылын беру үшін барлығы 30 электросирена (16-сы қалада, 14-і аудандарда) жұмыс жасайды. Дабыл «Қазақ-телеком» АҚ телекоммуникация дирекциясы арқылы беріледі. Сондай-ақ, халыққа төтенше жағдайлар туралы жедел ақпараттар аса маңыздылығына сәйкес ұялы байланыс операторлары арқылы SMS-хабарламалары таратылады.

Елбасы Қазақстан халқына Жолдауында күшті әлеуметтік саясат қана қоғамдық тұрақтылық пен келісімді қамтамасыз ететінін атап өтті. Министрліктің төтенше жағдайлардағы шұғыл медициналық қызмет жүйесінде жүргізген түбегейлі өзгертулері көзге көрінер әлеуметтік серпін берді. Ел аумағында «Денсаулық пойыздары» өз жұмысын жалғастыруда. Көпшілік туған ауылдарынан шықпай-ақ, біліктілігі жоғары мамандардан бірінші сыныптық медициналық көмек алды. Өткен кезеңде медициналық пойыз Қызылорда облысының шалғай мекендерінде болып, шілде айында көпшілікке қызмет етті.

Медициналық шұғыл әрекет ету бригадасының жедел көмегі 2013 жылдың 11 айында 71 рет шақыртуға шыққан. Оның ішінде 44 адамға алғашқы медициналық көмек көрсетіліп, үш адам ауруханаға жатқызылған.

Денсаулық сақтау саласын дамытудың «Саламатты Қазақстан» мемлекеттік бағдарламасына сәйкес, жолдардағы жарақаттар мен өлім-жітімді азайту, жол-көлік оқиғалары кезінде зардап шеккендерге дер кезінде шұғыл медициналық көмек көрсету мақсатында облыста 2 күре жолдық медициналық бекет, биылғы жылы тағы да 1 күре жолдық медициналық бекет қолданысқа беріледі. Қазіргі таңда облыста 2 күре жолдық медициналық құтқару пункттері Қармақшы ауданы Байқоңыр-Қызылорда автожолы бойын-

да, Иіркөл елді мекені тұсынан және Шиелі ауданының «Батыс Еуропа-Батыс Қытай» автожолы бойынан Бөйгеқұм тұсынан 0,3 гектар жер телімдері алынып, құрылысы жүріп жатыр. Аталмыш бекеттерге дәрігер, фельдшер, құтқарушы, жүргізушілер алынды. Оларға Астана қаласынан құтқару және медициналық жабдықтардан тұратын реанимобильер алынды. ҚР Денсаулық сақтау саласын дамытудың 2011-2015 жылдарға арналған «Саламатты Қазақстан» мемлекеттік бағдарламасын іске асыру шеңберінде халыққа қызмет көрсетуге арналған «Ми-8» және «Евркоптер-БС-145» тікұшақтары пайдаланылып келеді. Санитарлық авиация 54 рет көкке көтеріліп, шалғай жатқан жерлерде қиындыққа тап болған азаматтарды құтқарды.

Облыс бойынша Көкшетау техникалық институтына 15 түлек емтихан тапсырып, оқуға қабылданса, Белоруссия Республикасының төтенше жағдай саласындағы біліктілікті арттыру институтында 11 адам, Қарағанды, Өскемен, Көкшетау қалаларында 16 адам облыстық төтенше жағдайлар саласы тарапынан білімін жетілдірді.

Халыққа ТЖМ қызметкерлерінің атқарып отырған жұмысын жариялау мақсатында 2013 жылдың 9 шілдесінде «Хабар» телеарнасынан 20 минуттық «Жалын жұтқан жастық шақ» атты арнайы хабар берілді. «Қауіпсіздік әліпшесі» брошюрасы көпшілікке қауіпсіздік талаптарын білу мақсатында ұйымдастырылды.

Наурыз айынан бері департамент жанынан «Сыр құтқарушысы» журналы жарық көре бастады. Айына бір рет жарық көретін журналда құтқарушылардың өмірі мен саладағы атқарылып жатқан жұмыстар, қауіпсіздікті сақтау ережелері жарияланып келеді. Сондай-ақ, наурыз айынан бастап «Қазақстан - Қызылорда» телеарнасынан эфирге «112 - Құтқарушы» бағдарламасы шығып жатыр.

Өткен жылдың қарашысында жергілікті «Қоғам ТВ» арнасынан тікелей эфирге департамент бастығы С.Өмірзақов шығып, «Мезгіл мәселесі» бағдарламасында тұрғындардың қабарға шалған маңызды қоңырауларына жауап берді.

Жоғарыда атап көрсетілген іс-шаралардың барлығы да төтенше жағдайлардың алдын алуға және оны жоюға бағытталып отыр. «Елге қызмет – абырой, міндет!» деген қағида қауырт қызметтің басты мақсаты.

Айгүл НҰРМАНОВА,
Қызылорда облысы
ТЖД баспасөз қызметі
жетекшісі.

● ҒИБРАТ

Бала Ханзада жастайынан зерек өсті, ерте жетілді. Аталар сөзін зердесіне құйып өскендіктен болар, отырған жерде көнекөздер сөзін тамылжыта айтады, ақ батаны төгіледі. Шағын ауылда дуалы сөздің құймақұлақ-

сынов: – Басқадан кем болмас үшін біз білімді һәм күшті болуымыз керек. «Білімді болуға оқу керек. Бай болуға кәсіп керек. Күшті болуға бірлік керек» деген сөзі қазір ауадай қажет! – деп Ханзада отырғандарға

ӨМІРДЕН ТҮЙГЕН ӨСИЕТ



тары көп еді-ау. Ауыл ақсақалдары күн сайын кешкілік бір үйге жиналып, әңгіме-дүкен құратын. Атасы Құнанқара бала Ханзаданы қасынан қалдырмай оң қабатына отырғызатын. Шайырқожа, Есберген, Сражаддин, Жеркен, Мұхиятдин, Зинабдин, Сопы мола би-болыстардың небір сөздерін кезектесе төгілететін-ді. Құлболды ишан, Бөймен ахун, Ақмал, Алтайбек мақсымдардан сөз қозғайды. Сөз жорғасы атанған Сражаддин, Таңат Қаржаубайлар бір сөт Тапал ахун, Мұхамеджан, Камаладдин, Жәміш мақсымдардың өсиет сөздерін бір таңға созылатын. Қазіргі үлкендеріміздің көпшілігі сол аталардай гибратты әңгіме айтуға шорқақ, өресі жетсін-жетпесін әйтеуір саясаттан басты қатырар дәріс оқытындарға ұқсайды. Бір кездегі ұстаз Ханзада, қазіргі зейнеткер Ханзада отырған жерде оның сөзін тыңдауға жұртшылық құмар, өсиет сөздің құймасына танырқап, таңдай қағады. Ойға түйгенін жиын-тойда тізбектейді.

Бір ағайынның мерейтойында отырғанбыз. Ханзада Шоқан Уәлиханов жайында әңгіме өрбітті. Шоқан Саққұлақ шешеннің сөзін тыңдап отырса керек. Шешенге былайша сауал қойыпты, – деді Ханкең олай-былай қозғалып.

– Біреу жолдан адасса кімнен ақыл сұрайды? – Көненде сұрайды. – Көне адасса ше? – Көргенәден сұрайды. – Көргенді адасса ше? – Көптен сұрайды. – Көп адасса ше? – Көп оқығаннан сұрайды. – Көп оқыған адасса ше? Көп оқыған неге адассын! – Міне, тапқыр сөздің құдіреті! Білім – ердің қанаты, – деп Ханзада сөзін түйіндеді. Тыңдаушылар сілтідей тынып қалды. Сөзін тағы жалғастырды. Алаштың азаматы, ұлтымыздың рухани көсемі Ахмет Байтұр-

тағы бір ойды жалғап жіберді.

Сол бір сөт, Ханзадамен дәмдес болған отырыс менің де ойымнан көптен бері шықпай жүр. Аға барған жерге әркез асығатыным содан туындаған еді.

Бұл ұстаз Ханзада Құнанқараевтың балалық дәуірі тақтайдай тегіс болған жоқ. Үлкен ағасы Шайзада Құнанқараев «халық жауы» атанып, он жылға сотталып кетті. Зайыбы Шәрбан қиындыққа шыдамай, ұлы Бағдатты ертіп, нағашы жұртына кетті. Жас ұлғайған сөтте Құнанқара ата осынау күйікке шыдамай, екі бүкте-тіліп қалды. Келіндері «комиссар қайнаға» атаған тіптік ата қиын сөтте Ханзадамен мауқын басып, іштегі шерді тарқатқандай күй кешті.

Қазір бағығ аталардың бөрі де арымызда жоқ. Ханзаданың ағасы Шайзада он жылын өтеп елге оралды, жар сүйді, бала сүйді. Туған жерде шаңырақ отын маздатты, еңбекке араласты, зейнетке шықты. Шөкеңнің Маржанқұла сынды асыл жары көп қызықты көріп, немерелер думанына бөленді.

Бала Ханзада орта мектепті бітіріп, пединституттың биология факультетіне түсіп, оны 1957 жылы бітіріп шықты. Оқу бітірген бойда Шиелідегі Тартоғай, Жеміс-жидек кеңшарында зайыбы Тұраш екеуі қатардағы мұғалім, ал Ханкең кейін оқу ісінің менгерушісі, отыз жыл бойы Шиелінің Жеміс-жидек кеңшарындағы №181 мектепте директор қызметін

атқарып, 1994 жылы зейнетке шықты. Талай марапат, орден, медальға ие болды, «Қазақстанның білім беру ісінің үздігі» значогын омырауына тақты. Мұғалімдердің бірнеше съездеріне делегат болды.

Ардагер азамат Ханзада Құнанқараевтың зайыбы Тұраш Шүйінбайқызы да білікті ұстаздардың бірі болды. Екеуі білім беру саласында ұзақ жыл қол ұстасып, үш ұл, төрт қыз өсірді. Зайыбы Тұраштың да бей-мезгіл сөтте пәни дүниеге аттанғанына биыл жиырма жылға жуықтап қалды. Ханкең осынау қиын сөттерге мойымай, ұл-қыздары мен немерелерін түгелдей оқытты. Ұлдарының үлкені кәсіпкер, бірі зоотехник, бірі – Күмкөлде мұнайшы, үш қызы мектепте ұстаз. Осылардан өрбіген 18 немере, 7 шөберенің ортасында киімнің қырын сындырмай құрыпшай шыныққан шымыр қалпын әлі сақтап жүр. Жүрісі ширақ, сөзі салмақты.

Биыл сексеннің сеніріне шыққан Ханкең еліміздің Тұңғыш Президенті Нұрсұлтан Әбішұлы Назарбаевқа екі рет хат жазып, ақ батасын жолдады. Екі хатқа да Елбасы шынайы ризалық білдіріп, алғыс хатын жолдаған сөті есінен кетпейді. Бөлмесінің төріндегі қос алғыс хат аластан жарқырап, ұстаз бойына қуат бергендей болады да тұрады. Бейне бір күн шуағы терезеден төгіліп тұрған төрізді.

Иә, ұстаз Ханзада Құнанқараев сексенге толып, қаладағы «Алтын сарай» дәмханасында мерейтой өткізгелі жатқанын сөз арасында сыналап, құлаққағыс жасағандай сынай байқайтаты. Жанай таза, жүрегі жомарт аға қолын жайып, ақ батаны бізге де төгілті.

Алымды болсын,	қадамың,
Тұлпардай болсын,	шабысың.
Сұңқардай болсын,	самғауың
Риза болсын, кен қауым.	Кыныдың көрсен
Ауырлық көрсен	мұқалма,
Жүкәрмашы бол кішіге,	жүкәрмашы.
Үлкенді үлгі тұт алға!	Ауымн!
– Ауымн! – деп біз де ағаман қош айтыстық. Ағаның біраз өңгімесімен сусындап, шөлдіреген жүрекке тың қуат біткендей болды.	
– Мерейтойыңыз, сексен жылдығыңыз құтты болсын, аға! – деп ардагер аға құшағынан өрең ажырадық.	

Қайырбек
МЫРЗАХМЕТҰЛЫ.

Таза сумен қамтылды

Дерекке жүгінсек, ауданда соңғы жылдары жүкпалы аурулар күрт азайған. Мұның басты мәнісі ауыз су сапасының жақсаруында дейді дәрігерлер қауымы. Алайда, Ақсуат ауылының тұрғындары бұл жағдай күні кешіге дейін мазал келген еді. Олар суды көлікпен тасымалдап, құлыққа құйдырып өзгерт қалатын. Енді бұл мәселе түбегейлі шешілмін тапты.



«Айқұлақ» бағдарламасы аясында «Байқожа жергілікті су құбырының және Ақсуат елді мекеніндегі сумен қамту жүйесін қайта жаңғырту және елді мекенді сервистік желімен қамту» жобасы толық іске қосылды. Осынау жағымды жаңалықтың жүзеге асуына республикалық, облыстық бюджеттен қаржы қаралды. Нысанның бас мердігері саналатын «Рза» акционерлік қоғамы өздеріне тиесілі жұмыстарды сапалы орындап шықты. Нәтижесінде бас құбырлар, сервистік желілер жүргізілді. 205 дана су есептегіш құралы тұрғын үйлерге орнатылды.

Ақсуат ауылындағы су-насос стансасының ашылу салтанатында аудан әкімі Бақыт Жаханов, облыстық мәслихат депутаты, «Рза» акционерлік қоғамының президенті Самұрат Имандосов, аудандық мәслихат депутаты, «Сыр маржаны» ЖШС директоры Мнаждин Өтеубек, еңбек ардагері Әбдіұлы Өксікбаев құттықтау сөз сөйледі. Ресім барысында лента кинылды. Ақ жаулықты аналар ұлттық дәстүрлімәзбен шашу шашты. Ауыл ақсакалы Өмірбек Қожамжаров бата берді.

Ақынын ардақтаған ауыл

Жанқожа батыр елді мекенінде тағылымды шара өтті. Бұл күні ауылдық мәдениет үйіне жұртшылық көп жиналды. Аталмыш шара жергілікті ақын Кемал Ордабаевтың «Армысың, ата қонысым» атты кітабының тұсауіксеріне арналды. Туған қонысын, өскен елін жырылаған ақын кешін округ әкімдігі, ел азаматтары ұйымдастырған болатын. Шұрайлы тілде жазылған туындының жарық көруіне жерлесіміз Қаршыға Жұмабаев, Исатай Алдажаров, «Сыр маржаны» ЖШС директоры, аудандық мәслихат депутаты Мнаждин Өтеубек, Жанабай Жаксылыков, басқа да тұрғындар демеушілік жасады.

Шарда Қаршыға Жұмабаев ақынның шығармашылық жолына кен көлемде тоқталды. Округ әкімі Қайрақбай Орынбасаров болса, мұндай игі қалам өскелең буының бойына отансүйіштік сезімді қалыптастыратынын жеткізді. Кеш барысында ауыл өнерпаздары өн-жырдан шашу шашты.

Жұмабек ТАБЫНБАЕВ,
Қазалы ауданы.

● АРДАГЕРЛЕР – АБЗАЛ ЖАНДАР

ҚҰРМЕТ КӨРСЕТІЛДІ

Жаңа жыл мерекесі қарсаңында облыстық ардагерлер кеңесінің төрағасы Сейілбек Шаухаманов бір топ тұл және еңбек ардагерлерінің отбасында болып, оларды Жаңа жыл мерекесімен құттықтады. Көрияларға облыстық ардагерлер кеңесінің Құттықтау хаты мен ақшалай сыйлығы және немерелеріне жаңа жылдық тарту ұсынылды.

Кезінде Сырдария ауданында жауапты қызметте болған Төлеген Дүйсебеков қазір облыс орталығында тұрады. Ол өзінің саналы ғұмырын Аманкелді, Айдарлы ауылдарында партия ұйымын басқаруға, ауылдың экономикасы мен мәдениетін дамытуға арнаған. Жасы 87-ге келген, жеті баласынан жиырмадан астам немере, отызшақты шөбере, екі шөпшек сүйіп отырған ақсақал өзін бақытты санайды.

– Сіздің еңбегіңіз, адам баласына тән қасиеттеріңіз өзіңізді таныттын жандардың жадында жатталғаны анық, – деді кеңес төрағасы. – Балааларыңыздың барлығы дерлік жақсы қызметте, немереңіз Ақбота

Назарбаев университетінің студенті екен. Мұның өзі сіз берген төрбиенің жемісі, сіздің үлгі-өнегеніз. Жүз жасаңыз!

Мұнан кейін кеңес төрағасы алдағы уақытта ардагерлерге жасалатын қамқорлық аясының кеңейетінін, ҰОС ардагерлеріне теңестірілгендерді коммуналдық төлемдерден толық босатуға, үлкен кісілерге арнайы демалыс орнын ашуға мүмкіндік жасалатынын айтып өтті.

Тоқсан жастың есігін қаққан Ғазима Байдосованың өмір жолы көпке үлгі боларлықтай. Жастайынан жетім қалған татар қызы ашаршылық жылдары Башқұртстанда, Украинада өртүрлі жұмыс істейді, сосын дәм

айдағаны болар кішкентай бауырымен Алматыға келіп тұрақтайды. Осындағы әскери зауытта алдымен еден жуушы, соғыс жылдарында снаряд құюшы болып жұмыс істеген Ғазима Фатихқызы сол зауыттың атын әлі құпия ұстап келеді. Аналарына зейнетақы шығарту үшін ізденген балаларының еңбегі зая кетті. Кезінде қазақтың біртуар ұлы Ораз Жаңдосовтың қарамағында жұмыс істеген, жазушы Мұхтар Әуезовпен араласқан, Алматыдағы қамыс зауыдның директоры болған күйеуі Құрманбек Байдосовтың Сыр топырағына келуі, балалары мен немерелері жайында әңгіме өрбіткен кейуана өзіне көрсетілген құрметке ризалық білдіріп, аналық батасын берді.

Өзін мерекемен құттықтауға келушілерді ұлттық киіммен қарсы алған спорт саласының ардагері Қалапберген Пірімжановты сексеннің

сеніріне шықты деп айта алмайсыз. Бойы тік, қимылы ширақ жан кезінде грек-рим мен қазақ күресінен өткен бүкілодақтық және республикалық жарыстардың бірнеше дүркін жеңімпазы таныған. «Ерікті спорт» еңбек қоғамының төрағасы, облыстық спорт комитеті төрағасының орынбасары, бірнеше жыл спорт мектебінің директоры болған Қалапберген өзінің оқушы, студент кезіндегі қол жеткізген жетістіктерін әлі де жадында сақтаған. Ол сонымен қатар 1957 жылы Мәскеуде өткен КСРО ауыл-село жастарының арасындағы грек-рим күресінен республиканың туын көкке көтергенін үнемі еске алады. Қ.Пірімжанов Сергей Капустин мен Мұрат Сатыбалдиев, Нақшбөк Кебеков пен Үрғараев секілді шәкірттерінің спорттағы табыстарына мақтанады.

Ардагерлер өздеріне көрсетілген құрметке ризашылық білдіріп, бүкіл Сыр жұртшылығына еңбекте табыс, өмірде денсаулық, бақыт тіледі.

Жұмағұл ОРАЛБАЕВА.

МҰСТАФА ШОҚАЙ АТЫНДАҒЫ МЕШІТ

Жаңа жыл қарсаңында Шиелі ауданының Сұлутөбе ауылдық округіне қарасты 1 Май елді мекенінде Алаш ардақтысы, қоғам қайраткері Мұстафа Шоқай есімімен аталатын жаңа мешіт ашылды.

Аллаға сыйынатын бұл имандылық үйін облыстық мәслихат депутаты, танымал азамат Тілеуберген Шәуғайт өз демеушілігімен тұрғызып, ауыл адамдарының алғысына бөленіп отыр. Салтанатты ашылу жиныында аудан әкімі Мұрат Ерғешбаев бұл секілді сауапты шаруалардың әлі де жалғаса түсетіндігін айтты. Жиын барысында облыс әкімінің орынбасары Ақмарал Әлназарова құттықтау сөз айтып, облыс әкімінің алғыс хатын табыстады. Қоғам қайраткері Оңалбек Сәлиев, Әбдіжәлел Бөкрі және ҚР Парламенті Сенатының депутаты Мұрат Бақыртұрлы және басқалар өз тілектерін жеткізді. «Бұл жер тек намаз оқып, жаназа шығаратын орын ғана емес, ақсақалдарымыздың ақылдасып отыратын, елдің ынтымағына ұйтқы болып, алдағы ауқымды тірліктерге бағыт беретін киелі мекен болуы тиіс. Мешітке ел тәуелсіздігін аңсаған Мұстафа Шоқайдың есімінің берілуі өте құптарлық жағдай», деді Әбдіжәлел Бөкрі өз сөзінде.

Салтанатты жиын соңында арнайы құран бағышталып, ас берілді.

Нұрмахан ЕЛТАЙ,
Шиелі ауданы

